

Broj: 02-44/26
Ilidža, 17.06.2026.godine

Na osnovu člana 20a. Zakona o radu („Službene novine Federacije BiH“ br. 26/16, 89/18, 44/22 i 39/24), člana 17. Uredbe o postupku prijema u radni odnos u javnom sektoru na teritoriju Kantona Sarajevo („Službene novine Kantona Sarajevo“ br. 19/21 i 10/22) i člana 24. Pravilnika o radu JU „KSIRC“ Ilidža, direktor ustanove donosi:

ODLUKU
o poništenju dijela Javnog oglasa

Član 1.

Poništava se dio Javnog oglasa broj: 03 - 95/26 od 14.05.2026. godine, objavljen u dnevnim novinama Oslobođenje, dana 15.05.2026. godine, web stranici JU „KSIRC“ Ilidža dana 15.05.2026. godine, web stranici JU „Službe za zapošljavanje KS“ Sarajevo dana 15.05.2026. godine, za prijem radnika i popunu radnih mjesta na neodređeno vrijeme za potrebe JU „KSIRC“ Ilidža, i to u dijelu koje se odnosi na radno mjesto:

- Koordinator za sport, 1 izvršilac, na neodređeno vrijeme

Član 2.

Obavijest o poništenju Javnog oglasa će se objaviti na web stranici JU „KSIRC“ Ilidža i web stranici JU „Službe za zapošljavanje KS“ Sarajevo.

Član 3.

Odluka stupa na snagu danom donošenja.

OBRAZLOŽENJE

JU „KSIRC“ Ilidža je dana 15.05.2026. godine, objavila Javni oglas broj: 03-95/26 od 14.05.2026. godine, za popunu više radnih mjesta, između ostalog i za radno mjesto Koordinator za sport.

Komisija za provođenje javnog oglasa izvršila je pregled i ocjenu blagovremenih prijava kandidata u skladu sa odredbama javnog oglasa i važećih internih akata ustanove.

Komisija je konstatovala da su četiri od šest prijavljenih kandidata ispunjavali formalne uslove propisane javnim oglasom za navedeno radno mjesto. Nakon provedenog pismenog i usmenog ispita, kojem je

pristupio samo jedan kandidat, Komisija je utvrdila ukupan broj bodova kandidata za radno mjesto - Koordinator za sport, I izvršilac.

S obzirom na rezultate pismenog i usmenog dijela ispita, kao i pristiglu žalbu i prigovor jednog od kandidata za navedeno radno mjesto zbog nemogućnosti blagovremenog očitavanja obavijesti o polaganju pismenog i usmenog ispita, opća ocijena je da nije moguće dovršiti konkursnu proceduru, jer u konkretnom slučaju izbor bi bio suprotan principu izbora najboljeg kandidata, koji predstavlja osnovni interes poslodavca i preduslov za osiguranje kvalitetnog izvršavanja poslova i zadataka iz nadležnosti predmetnog radnog mjesta.

Iz navedenih razloga, činjenicom da konkursna procedura nije rezultirala očekivanim prijedlogom kandidata, koji ispunjava uslove radnog mjesta, stečeni su uslovi da se konkursna procedura okonča bez izbora kandidata, odnosno da se javni oglas za navedeno radno mjesto poništi.

Imajući u vidu navedeno, odlučeno je kao u dispozitivu ove odluke.

Direktor
JU „KSIRC“ Ilidža



Jasminko Šabotić

Dostaviti:

- Upravnom odboru;
- Komisiji x3;
- a/a.